

Mbete kí Pol ndàngì adi

Pilemɔ

Ta-je kí dɔ mbete-ti kí Pol ndàngì adi Pilemɔ

Dɔmaji ɔ à to kisi Pol dangay-ti mɛɛ ɔebo Rɔm-ti kin ɔ́á ɛ ndàngì-né mbete kin. Ɛ ndàngì mbete lé nati k̀i mbete lə dɛ kí ɔebo Kolosi-ti tɔ ɔ̀ tò titi né kí mbete-je kí joo kinlé Tisiki ɔ́á ulə-é-né bè (Kol 4:7-9). Pol pa ta k̀i nam-é Pilemɔ kí isi mɛɛ ɔebo Kolosi-ti rəm, ɔ́á ɛ pa ta k̀i njénoji-je liə, ɔ́á pa ta k̀i njékadmɛɛ-je kí d'isi 'kəwnə mɛɛ kəy-ti liə rəm tɔ. Ɛ ndàngì mbete kin dɔji-né Pilemɔ kadi inə go kɔgi adi ɔə liə Onejim kí ndɔki ay lé ɔ kadi uwə-é kí rɔ-é-ti gogi. «Onejim» lé kɔr mɛɛ-é to «né kí à ra k̀i dow.» Kete ɛ to dow kí kɔgi kare pɛti-pɛti rɔ 'ɔa-é-ti.

Onejim lé toki né kí ndɔki ɛ ɔogi né lə ɔa-é ɔ́á ay ɔw-né mɛɛ ɔebo-ti kí d'uwə Pol dangay-ti titi lé bè. Pol adi-é adi mɛɛ Jeju Kristi, rəmə panjiyə Onejim təl maji. Beɔa Pol ndigi kulə siə kadi 'ɔa-é Pilemɔ gogi, ɔ ɛ ndigi kadi-é uwə-é kí rɔ-é-ti k̀i ngonkɔ-é kí njékadmɛɛ Kristi. Dan mbete-je-ti lay kí Pol ndàngì lé, ɛ kin to gay, kdɔ ɛ to mbete kí tɔji kulənoji kí tuwə kadi tò mbunə njékadmɛɛ-je-ti ɔ́i kɔta-je kí rangi goto-ti. Kí go ndukun-ti lə dow-je kí Rɔm lé, Onejim lé asi kadi d'ində-é d'ɔji-é rəm, ɔ́á asi kadi 'tɔl-é rəm, ngà Pol ɔ́á ra siə maji, titi kí Jeju ra-né kí njéramajal-je kin bè tɔ. Kadi Pol pa ta kí maji al sɔbi dɔ ra dow ɔə-ti rəmə, ɛ tɔji Pilemɔ k̀i njékəwnə-je, né kí tò kadi dow-je 'ra k̀i rɔ madi-dé-je-ti ɔse k̀i rɔ ɔə-je kdɔ ri Kristi.

Tɔji rɔ kɛ lapiya kɛ ra  
 2Ti 1:1-5

<sup>1</sup> Mɔ Pol kɛ d'uwə-m dangay-ti kɔɔ ta kɛ sobi dɔ Jeju Kristi, j'isi nati kɛ ngonkɔ-ji Timote, bɔ m'ndangi mbete kin m'adi-i i Pilemɔ kɛ 'to madkullə lə-ji kɛ j'ində-i dan kəm-ji-ti, <sup>2</sup>†m'adi kɔnan-ji Apiya, kɛ Arsipi kɛ to madi rɔ lə-ji, bɔ m'adi njékəwnə-je kɛ d'isi 'kəw-nə mɛɛ kəy-ti lə-i lé rəm tɔ. <sup>3</sup>Kadi ramaji kɛ lapiya lə Bobi-ji Lubə, kɛ 'lə 'Baɓe Jeju Kristi nəy sə-si.

*Kadmɛɛ lə Pilemɔ kɛ ndigi kɛ ɛ ndigi dow-je*

<sup>4</sup> Taá-taá ya loki m'isi m'pa ta kɛ Lubə lə-m m'ra-é-né oiyo lé, m'ilə ri-i dan-ti dan-ti. <sup>5</sup> Kɔɔtalə m'oo poy kadmɛɛ lə-i kɛ i 'adi 'Baɓe Jeju, bɔ m'oo poy ndigi kɛ i 'ndigi njékaa njay-je lay kin rəm tɔ. <sup>6</sup> Beɓa m'pa ta kɛ Lubə kadi kində kɛ 'ində rɔ-i nati sə-ji kɛ takul kadmɛɛ lə-i kinlé ra kullə, adi dow-je 'gə kɛ maji-je lay kɛ j'isi j'rai lé, j'rai kɔɔtalə Kristi. <sup>7</sup> Pilemɔ, ndigi kɛ i 'ndigi dow-je lé, adi-m rɔnəl nɔ, bɔ ra adi mɛɛ-m sɔl rəm tɔ. Ngonkɔ-m, kɛ takul-i lé, mɛɛ njékaa njay-je usi nangi pɔ-pɔ ya.

*Pol ra ndoo ta Pilemɔ-ti kɔɔtalə Onejim*  
 1Kɔ 13:4-7

<sup>8</sup> Beɓa mɔ lé m'ow kɛ tɔgi, mɛɛ noji-ti kɛ tɔ kɛ takul Kristi, kadi né kɛ tuwə ra lé, m'un ndu dɔ-ti m'adi-i ya, <sup>9</sup> ngà kɔɔtalə ndignə lə-ji lé, né kɛ uwə mɛɛ-m nɔ to kɔgri kɛ kadi m'ra-i, mɔ Pol kɛ m'to ɓugə, ɓəy bɔ kɛ ngɔsnè-ti kin m'a dangay-ti kɔɔ ta kɛ sobi dɔ Jeju Kristi. <sup>10</sup> †M'ra-i kɔgri kɔɔtalə ngon-m Onejim kɛ m'oji-é kəy

† 1:2 1:2 Kol 4:17 † 1:10 1:10 Kol 4:9

dangay-ti nè\* . <sup>11</sup> Onejim kí kete to dow kí kare kɔgi rɔ-i-ti lé, ngɔsnè kin, ɛ to dow kí à ra sə-i rəm, ɔ́á à ra sə-m rəm tɔ. <sup>12</sup> Beɓa m'ulə siə gogɪ m'adi-i, ɛ toki daji rɔ-m ma ya bè†.

<sup>13</sup> Loki m'a-né dangay-ti nè ɓəy kdɔtalə Poyta kí Maji lé, lé m'a ndigi kadi Onejim a rɔ-m-ti nè, kɔ kadi ra kullə adi-m tó-i-ti, <sup>14</sup> ngà ma m'ndigi kinə-i gogɪ ra né madi kè dɔ-m al. Kɔ kadi kinə i 'ra sə-m maji rəmə, i 'ra sə-m kí lə njètɔgi-ti al, ngà kadi i 'ra sə-m kè mɛɛ ndigi lə-i ya tá. <sup>15</sup> Dɔmajɪ ə to bè kadi Onejim inə-i dɔkaglo sɛ, kɔ kadi 'təl 'ingə-é gogɪ kadi isi nati sartagangi. <sup>16</sup> I 'a kingə-é gogɪ titi ɓə bè al ngá, ngà titi dow kí itə ɓə, titi ngonkɔ-ji kí j'ində-é dan kəm-ji-ti. Ma m'ində-é dan kəm-m-ti ya, ngà i rəmə, 'a kində-é dan kəm-i-ti tɔy-m ɓəy, kdɔtalə ɛ to ngonkɔ-i kɔ to kí ɛ to dow madi-i kete ɓəy ɔ́á ɓone to ngonkɔ-i mɛɛ noji-ti lə 'Babe ɓəy.

<sup>17</sup> Kɔtalə gə kí i 'gə kí m'to nam-i kinlé, uwə-é kɪ rɔ-i-ti titi-na né kí to ma ya bè tɔ.

<sup>18</sup> Ngà kinə ndɔki Onejim lé, ra sə-i né kí maji al nɔɔ əse kurə lə-i ɔ́á tò dɔ-é-ti nɔɔ kàrè, inə dɔ-m ma-ti ngá.

<sup>19</sup> Ma Pol, m'ndangi ta kin kè ji-m ma ya m'panè: «Ma ya m'a kugə-i kurə liə.» Ngà kurə lə-m ma kí tò dɔ-i-ti kí to kurə kaji kí i 'aji kè rəbi kí rɔ-m-ti kinlé, m'ndigi kole mɛɛ-i dɔ-ti al ngá. <sup>20</sup> Oiyə ngonkɔ-m, 'ra sə-m maji kin kdɔtalə 'Babe; i 'ra adi mɛɛ-m usi nangi pɔ́-pɔ́ ya mɛɛ ndigi-na-ti lə-ji kè takul Kristi. <sup>21</sup> M'gə mɛɛ-m-ti maji kí mbete kí m'ndangi madi-i kinlé, i 'a ra-né kullə rəm, ɔ́á m'gə kí i 'a ra kadi al dɔ dəji-é lə-m kí m'dəji-i kin ɓəy rəm tɔ.

\* <sup>1:10</sup> <sup>1:10</sup> Onejim to ngon koji Pol kí məsi-ti al. Pol ɓa-é ngon-é kɔ ɛ adi mɛɛ-é Jəu Kristi kè kəm rəbi kí rɔ Pol-ti. † <sup>1:12</sup> <sup>1:12</sup> Plp 4:7-9

<sup>22</sup> M'təl mᵛ dᵛ-ti m'dəji-i kadi 'ra mᵛᵛ kəy tò káre 'adi-m, kdᵛtalə m'ində mᵛᵛ-m dᵛ kiᵛə-ti kí d'a kiᵛə-m taá kadi-si kᵛ takul ta-je kí isi 'pai kᵛ Lubə lé.

*Lapiya-je kí ra*

<sup>23</sup> †Epaprasí kí to madi dangay lə-m kdᵛ ta kí sᵛbi dᵛ Jeju Kristi, ra-i lapiya, <sup>24</sup> †Đá Marki-je, kᵛ Aristarki-je, kᵛ Demasi-je, kᵛ Luki-je kí 'to madkullə-je lə-m kàrè 'ra-i lapiya tᵛ.

<sup>25</sup> Kadi ramaji lə 'Babe lə-ji Jeju Kristi nᵛy sə-si.

---

† 1:23 1:23 Kol 1:7; 4:12 † 1:24 1:24 a Knj 12:12,25; 13:13; 15:37-39; Kol 4:10; b Knj 19:29; 27:2; Kol 4:10; d Kol 4:14; 2Ti 4:10; e Kol 4:14; 2Ti 4:11

Ta lə Lubə Kunmindī kǐ Sigi

Mango: Ta lə Lubə Kunmindī kǐ Sigi (New Testament)

copyright © 2020 Wycliffe Bible Translators, Inc.

Language: (Mango)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 14 Jun 2022 from source files dated 13 Jun 2022

a2451d3b-54b4-50ec-847f-e964bc48641a